

Broj: 02-208-9/26

Datum, 07.05.2026. godine

Na osnovu člana 69. stav (3) Zakona o javnim nabavkama („Sl. glasnik BiH“ broj 39/14, „Sl. glasnik BiH“ broj 59/22 i „Sl. glasnik BiH“ broj 50/24)-(u daljem tekstu: Zakon), u skladu sa članom 45. Statuta Javne zdravstvene ustanove Univerzitetski klinički centar Tuzla, u otvorenom postupku javne nabavke bankarskih usluga, objavljenom na portalu javnih nabavki pod brojem: 867-1-2-48-3-143/26 od 17.03.2026. godine i u Sl. glasniku BiH br.: 22/26 od 23.03.2026. godine, na preporuku komisije za javne nabavke, VD direktora je donio

ODLUKU

o poništenju postupka javne nabavke

I

Poništava se otvoreni postupak javne nabavke bankarskih usluga u skladu s članom 69. stav (3) Zakona (Ugovorno tijelo može otkazati postupak javne nabavke samo zbog dokazivih razloga koji su van kontrole ugovornog organa i koji se nisu mogli predvidjeti u vrijeme pokretanja postupka javne nabavke).

II

Za izvršenje ove odluke zadužuje se i ovlašćuje Služba za nabavu.

III

Ova odluka stupa na snagu danom donošenja i biće objavljena na web-stranici www.ukctuzla.ba, u skladu sa članom 70. stav (6) Zakona.

Obrazloženje

Postupak javne nabavke bankarskih usluga pokrenut je Odlukom o pokretanju postupka javne nabavke broj: 02-208-1/26 od 25.02.2026. godine putem otvorenog postupka objavljenog na portalu javnih nabavki pod brojem: 867-1-2-48-3-143/26 od 17.03.2026. godine i u Sl. glasniku BiH br.: 22/26 od 23.03.2026. godine. U ostavljenom roku ponudu je dostavilo 8 ponuđača. Nakon javnog otvaranja ponuda, Komisija za javne nabavke izvršila je pregled i ocjenu dostavljenih ponuda, utvrdila njihovu kvalifikovanost i tehničku prihvatljivost, te provela e-aukciju.

Po okončanju e-aukcije utvrđeno je da su dvije ponude ponuđača rangirane kao prvorangirane sa identičnom cijenom, te da zbog minimalnog dozvoljenog iznosa daljnje snižavanje cijene nije bilo moguće. Imajući u vidu da su obje ponude ostvarile isti broj bodova i identičnu konačnu cijenu, nije bilo moguće izvršiti izbor najpovoljnijeg ponuđača primjenom kriterija za dodjelu ugovora utvrđenih tenderskom dokumentacijom.

Navedena situacija predstavlja okolnost koja onemogućava okončanje postupka dodjelom ugovora, a koja se nije mogla predvidjeti u vrijeme pokretanja postupka javne nabavke niti se na istu moglo uticati od strane ugovornog organa.

Imajući u vidu navedeno, a u skladu sa članom 69. stav (3) Zakona o javnim nabavkama Bosne i Hercegovine („Službeni glasnik BiH“ broj 39/14, 59/22 i 50/24), odlučeno je kao u dispozitivu ove odluke.

Pouka o pravnom lijeku:

Protiv ove odluke može se podnijeti žalba Ugovornom organu najkasnije u roku od 10 dana od dana prijema ove odluke.


Dostaviti:

1 x Ponuđačima

1 x Komisiji za nabavke

1 x a/a

Izradio/kontrolisao: OS/MK



VD DIREKTOR
Prof.dr.med.sci. Šekib Umihanić